



Padrón

Concello de Padrón

CIF P1506600D
Rúa Longa, 27
15900 Padrón, A Coruña
correo@padron.gal
www.padron.gal
Tfí: 981 81 04 51
Fax: 881 249 391

BASES DO SERVIZO CONCILIA NADAL 2025-2026

Artigo 1. O programa CONCILIA NADAL 2025-2026 é unha oferta lúdica e educativa. Este servizo ten como obxectivos primordiais: desenvolver un programa educativo para menores de idades comprendidas entre os 3 e os 16 anos nas vacacións escolares que coinciden coa época do Nadal, á par que ofertar un servizo de conciliación da vida familiar, laboral e persoal para as familias deses menores.

Artigo 2. O servizo está dirixido aos nenos e nenas con idade comprendidas entre os 3 e 16 anos de idade empadroados eles, así como os seus pais, titores ou acoledores, no Concello de Padrón.

Artigo 3. Os usuarios e usuarias que se matriculen neste servizo poderán facelo por tramos de tempo, en quendas.

O custe da actividade será: 50€ por participante

Os/as usuarios/as admitidos/as no programa deberán practicar o correspondente depósito previo ao inicio da actividade, ingresando a cantidade correspondente en concepto de matrícula, de acordo cas contías previstas no parágrafo anterior, na conta deste Concello na Entidade Bancaria CaixaBank:

IBAN ES56 2100 2820 3202 0000 2727

O ingreso farase do 10 ao 12 de decembro de 2025 e para facer efectiva a matrícula será necesario a entrega da copia do ingreso bancario no Departamento de Servizos Sociais do Concello de Padrón contando como data límite o mércores 12 de decembro ás 12:00 horas.

Artigo 4. O servizo desenvolverase dende o 22 de decembro do 2025 ata o 7 de xaneiro de 2026, de luns a venres excepto festivos.

Artigo 5. O horario do servizo será de 7:45 a 15:15 horas comprendendo os seguintes tramos:

- De 8:00 – 9:30: Recepción dos rapaces.
- De 10:00 -14:00 Desenvolveranse as actividades programadas.
- De 14:00-15:00 Despedida dos rapaces. A excepción dos días de excursión, que o horario poderíase prolongar ata a tarde.

Os nenos e nenas deberán ser levados á actividade antes das 10:00 e recollidos antes das 15:15h.

Artigo 6. O número de prazas que se ofertan son 45. No caso de haber máis solicitudes que prazas, realizarase a integración dos/as menores no servizo seguindo a orde de puntuación acadada trala baremación. En caso de producirse empate, unha vez aplicados os criterios da Baremación recollidos no Anexo I, terase en conta a orde de rexistro de entrada no Concello de Padrón.

Artigo 7. Os criterios de selección faranse en base á situación de ocupación dos pais e/ou titores e á situación familiar que se puntuará como se indica no Anexo I destas bases.

A comisión de baremación estará composta por :

- 1- Alcalde ou Concelleiro/a, en calidade de presidente.
- 2- Un/unha técnico de servizos sociais, en calidade de secretaria.
- 3- Un/unha técnico de servizos sociais, en calidade de vogal.

A comisión de baremación elaborará acta, onde quedará recollida a lista provisional, coa puntuación acadada.

Artigo 8. A formalización da solicitude realizarase cubrindo a ficha de inscrición que será facilitada nas dependencias dos Servizos Sociais (Praza Manuel Rodríguez Cobián, Padrón), e aportando a documentación que se require no Anexo II.

Ábrese o prazo de inscrición do 13 ao 20 de novembro (ambos os dous días incluídos).

A presentación das solicitudes farase no Rexistro Xeral ou por sede electrónica, previa presentación das mesmas, no departamento de Servizos Sociais.

No caso de haber máis demanda que número de prazas dispoñibles, establecerase o seguinte procedemento:

- Publicación da lista provisional de admitidos/as nos taboleiros do concello e nas dependencias dos servizos sociais ó 24 de novembro dando un prazo de 10 días para presentar as reclamacións.
- Publicación da lista definitiva de admitidos/as no programa Concilia Nadal o 9 de decembro de 2025.

Artigo 9. No caso de non haber prazas dispoñibles suficientes para satisfacer a demanda do servizo, unha vez elaborada a listaxe definitiva dos/as admitidos/as, confeccionarase unha listaxe de agarda cos/as solicitantes excluídos/as, que seguirá a orde que resulte da mesma baremación empregada para a selección dos/as admitidos/as. Asemade de non cubrirse a totalidade das prazas dispoñibles por quenda, poderán ter acceso ao servizo as familias que non cumpran os requisitos básicos de acceso - por exemplo familias non empadroadas, con proxenitores ou titores/as en situación de desemprego ou inactividade, etc.-

Os nenos/as irán entrando no servizo seguindo estritamente na orde na que figuren na lista correspondente e en función das baixas que se produzan na actividade.

Anexo I

BAREMO

Obxecto: Baremar os requisitos que deben reunir as familias beneficiarias do Programa "CONCILIA NADAL 2025-2026" da Concellería de Servizos Sociais, que porá en marcha un servizo de atención as familias con menores a cargo, entre 3 e 16 anos, de luns a venres do 22 de decembro ata o 7 de xaneiro en horario de 07:45 a 15:15 h.

Criterios:

- Unidades familiares, nas que todos os seus membros estean empadroados no concello de Padrón: 5 puntos
- Se algún membro non está empadroado non se puntuará. En caso de menores onde haxa establecidas medidas reguladoras das obrigas paterno filiais puntuarase con cinco puntos tendo en conta a situación familiar de convivencia na quenda solicitada.(Deben estar empadroados os menores xunto co proxenitor que nesa quenda teña a garda)
- Priorizaranse aquelas familias nas que traballen ou estean incluídos nalgún itinerario de inserción laboral ámbolos dous proxenitores, e as familias monoparentais na mesma situación; nestes casos, as persoas beneficiarias terán opción a utilizar o servizo todos os días : 5 puntos
- Por ser familia numerosa: 2 puntos (documento acreditativo)
- Familias monoparentais: 2 puntos (certificado de familia monoparental en vigor)



Padrón

Concello de Padrón

CIF P1506600D
Rúa Longa, 27
15900 Padrón, A Coruña
correo@padron.gal
www.padron.gal
Tfl: 981 81 04 51
Fax: 881 249 391

- Núcleos de convivencia nos que ademais figuren persoas dependentes, ou con discapacidade, recoñecida polos órganos correspondentes: 2 puntos. Independentemente do número de persoa da unidade familiar con dependencia ou grao de discapacidade recoñecido.
- As familias nas que traballe só un dos proxenitores, poderán solicitar a inclusión no programa, e en función da demanda rexistrada así como da capacidade do servizo estableceranse quendas e horarios, se é o caso: 1 punto
- Familias que acrediten acollemento familiar: 2 puntos
- Muller vítima de violencia de xénero ou de outras formas de violencia contra as mulleres (debe presentar documentación acreditativa): 1 punto
- Familia en risco de exclusión social (debe acreditar dita circunstancia mediante informe emitido por Servizos Sociais Comunitarios): 1 punto
- Situación económica: En base á Renta per Cápita (RPC) mensual da unidade familiar referida ao indicador público de renda de efectos múltiples (IPREM) vixente (ingresos do ano 2024):
 - a. Inferior ao 50% do IPREM : 2 puntos.
 - b. Entre o 50% e inferior ao 100% do IPREM : 1 puntos.
 - c. Igual ou superior ao 100% do IPREM: 0 puntos.

-Os ingresos da Unidade Familiar a ter en conta para o cálculo da RPC o constituirá a suma da base imponible xeral e a base imponible de aforro do Imposto sobre a Renda de Persoas Físicas. No caso de persoas non obrigadas a declarar, as bases impositibles obteranse dos datos que aporten os certificados da A.E.A.T (ano 2024).

En caso de que as familias solicitantes non presenten documentación acreditativa (declaración da Renta ou certificados da AEAT) se aplicará 0 puntos na capacidade económica.

No caso de non cubrirse a totalidade de prazas dispoñibles, poderían entrar como usuarias do servizo as familias que non cumpran os requisitos básicos de acceso, por exemplo familias que non consten como empadroadas ou nas que ambos proxenitores/ titores se atopen en situación de desemprego, etc, sempre por orde de inscrición.

- En caso de producirse empate, unha vez aplicados os criterios da Baremación recollidos neste Anexo, terase en conta a orde de rexistro de entrada no Concello de Padrón. »

Técnica en Intervención Familiar

(asinado dixitalmente)

Traballadora Social

(asinado dixitalmente)